

16. gr.

Rafmagnsveitan leiðbeinir notendum, er þess óska, um val gjaldskrárliða eftir tegund notkunar.

Gjaldskrá þessi staðfestist hér með samkvæmt vatnalögum nr. 15 20. júní 1923 og orkulögum nr. 58 29. apríl 1967, samkvæmt reglugerð Rafmagnsveitu Reykjavíkur nr. 455 20. desember 1977 og birtist til eftirbreytni öllum er hlut eiga að máli.

Jafnframt er úr gildi felld gjaldskrá Rafmagnsveitu Reykjavíkur nr. 368 27. október 1977.

Iðnaðarráðuneytið, 9. ágúst 1978.

F. h. r.

Páll Flygenring.

Kristmundur Halldórsson.

G J A L D S K R Á

Rafveitu Hafnarfjarðar.

I. RAFORKA

Rafveita Hafnarfjarðar selur raforku á þann hátt og við því verði, er hér segir:

A. Lýsing.

1. Um kWh-mæli á 77.15 kr. hverja kWh.
2. Um kWh-mæli á 32.05 kr. hverja kWh, auk fastagjalds, er nemi 9 663.00 kr. á ári fyrir allt að 25 m² gólfplatarmáls í rúmi því, er lýsa skal og 183.00 kr. fyrir hvern m² umfram 25 m². Fullt fermetragjald skal greiða af gólfleti í húðum, vinnustofum og skrifstofum, en fyrir geymslur og ganga skal greiða 92.00 kr. á m² á ári.

Séu notaðir flúrskinslampar, natriumlampar eða kvikasilfurslampar með ófasviksjöfnuðum straumrásum er heimilt að miða orkugjald skv. 1. og 2. tölulið við kilóvoltamperstundir í stað kilóvattstunda.

B. Almenn heimilisnotkun.

1. Um kWh-mæli á 17.50 kr. hverja kWh og auk þess fastagjald 1 799.00 kr. á ári fyrir hvert herbergi, sem ætlað er til íbúðar og eldhúss, en ekki ganga, baðherbergi eða geymslur.

C. Vélanotkun.

1. Um kWh-mæli á 32.05 kr. hverja kWh.
2. Um mæla þannig reiknað, enda sé aflnotkun minnst 5 kW. Aflgjald skv. kW-mæli á 18 788.00 kr. hvert árskW. Auk þess skal greitt orkugjald skv. kWh-mæli 6.77 kr. hverja kWh. Minnsta aflgjald er 93 940.00 kr. á ári. Verði raunstuðullinn lægri en 0.8 er heimilt að miða aflgjaldið við 90% af mestu kVA-notkun í stað mestu kW-notkunar.

D. Hitun.

1. Um kWh-mæli á 13.90 kr. hverja kWh.
2. Um kWh-mæli á 17.15 kr. hverja kWh.
3. Um kWh-mæli á 3.95 kr. hverja kWh, enda megi rjúfa strauminn í allt að 3 klst. á dag, á tímum mesta álags rafveitunnar.
4. Um kWh-mæli á 6.55 kr. hverja kWh, enda megi rjúfa strauminn í allt að 3 klst. á dag, á tímum mesta álags rafveitunnar.
5. Um kWh-mæli á 2.06 kr. hverja kWh, enda megi rjúfa strauminn í allt að 12 klst. á sólarhring.
6. Um kWh-mæli á 3.41 kr. hverja kWh, enda megi rjúfa strauminn í allt að 12 klst. á sólarhring.
7. Um kWh-mæli á 7.11 kr. hverja kWh til hitunar á bílageymslum og þeim stöðum, þar sem hitunar er aðallega þörf að vetri til, enda megi rjúfa strauminn í allt að 5 klst. á dag á tímum mesta álags rafveitunnar.
8. Um kWh-mæli á 9.45 kr. hverja kWh til notkunar fyrir leirbrennsluofna, enda megi rjúfa strauminn á tímabilunum kl. 10.30 — 12.30 og kl. 17.00 — 20.00.

Skilyrði fyrir raforkusölu til hitunar:

- a) Að vélaafl, götulinur og spennar þoli álagið, að dómi rafveitustjóra.
- b) Að notandi kosti segulrofa fyrir hitalögnina.
- c) Að hitalagnir, þar með talin öll tæki, séu gerð skv. fyrirmælum rafveitunnar og Rafmagnseftirlits ríkisins, ofnar fasttengdir með sérstökum rofum og hitastillar notaðir, þegar þess er krafist.
- d) Að húsnæðið fullnægi þeim lágmarkskröfum um einangrun, sem rafveitan kann að setja.
- e) Að lagðar séu fram niðurstöður útreikninga á hitaþörf þess húsrýmis, er hita skal, þegar þess er krafist og skal þá tekið fram, við hvaða minnsta úti-hita hitaþörfin sé miðuð.

E. Stórnotkun.

1. Um mæla þannig reiknað, enda sé aflnotkun minnst 200kW.
Aflgjald: 34 244 00 kr. hvert árs-kW.
Orkugjald: 3.82 kr. hverja kWh.
Sala skv. þessum lið er háð ákvörðun rafveitunefndar.

F. Önnur notkun.

1. Rafveitustjóra er heimilt að veita afslátt frá framangreindum verðlagsákvæðum á liðnum A til D á orku, sem er notuð á sumrin, ef um töluverða aukningu frá vetrarnotkun er að ræða, eða ef orkan er eingöngu notuð á sumrin.
2. Til nota við vinnulagnir við byggingar, meðan á byggingu stendur. Um kWh-mæli á 39.36 kr. hverja kWh.
3. Gjöld fyrir götu- og hafnarlýsingu: 110 554 00 kr. hvert árskilóvatt, þótt mælitækjum verði ekki við komið, enda greiði þá notandi að auki stofnkostnað og viðhaldskostnað að fullu eftir ákvörðun rafveitunnar. Þó ákveður bæjarstjórn gjald fyrir götulýsingu í Hafnarfirði skv. tillögu rafveitunefndar, sem gerð skal árlega við afgreiðslu fjárhagsáætlunar bæjarins.
4. Þegar sérstaklega stendur á, má rafveitustjóri selja raforku eftir sérstökum samningi, þó eigi lengur en til eins árs í senn, nema samþykki rafveitunefndar komi til.

G. Mælaleiga.

1. Af einfasa mælum kr. 99.00 á mánuði.
2. Af þrifasa mælum til og með 100 A, kr. 236.00 á mánuði.
3. Af þrifasa mælum yfir 100 A, kr. 448.00 á mánuði.
4. Af mestumælum kr. 833.00 á mánuði.
5. Ársleiga eftir önnur mælitæki og rofa skal vera sem næst 15% af verði viðkomandi tækis.

II. HEIMTAUGAGJÖLD

Heimtaugargjald skal greitt samkvæmt eftirfarandi töflu: Fari lengd jarðlínuheimtaugar fram úr 15 m eða loftlínuheimtaugar fram úr 40 m skal greitt yfirlengdargjald eins og taflan sýnir:

Málstraumur stofnvara	Jarðlína		Loftlína	
	Lágmark kr.	Yfirlengd kr./m	Lágmark kr.	Yfirlengd kr./stólpa
220 V kerfi				
63 A 1-fasa	61 800	3 450	46 500	45 400
100 A 1-fasa	74 500	4 110	59 200	56 700
63 A 3-fasa	76 900	4 110	59 200	56 700
100 A 3-fasa	97 200	4 670	67 100	70 400
125 A 3-fasa	119 100	5 230	83 900	73 800
200 A 3-fasa	185 800	7 090	132 900	84 300
300 A 3-fasa	268 300	8 610		
380 V kerfi				
63 A 1-fasa	61 800	3 450	52 800	45 400
63 A 2-fasa	74 500	3 450	53 200	56 700
63 A 3-fasa	104 200	4 110	80 200	56 700
100 A 3-fasa	164 700	4 670	119 100	70 400
125 A 3-fasa	206 100	5 230	144 600	73 800
200 A 3-fasa	322 100	7 090	229 000	84 300
300 A 3-fasa	465 300	8 610		

Fyrir heimtaugar með meiri flutningsgetu en taflan segir til um (hér kann að þurfa dreifistöð) skal greitt heimtaugargjald, er nemi 2 551.00 kr. á hvert kVA. Skal þá miða aflið við varastærðirnar 400, 500 og 630 A. Yfirlengdargjald reiknast þá í hlutfalli við aukna flutningsgetu eftir 300 A samkvæmt töflunni.

Lengd jarðlínuheimtaugar, 63—200 A í 220 V kerfi og 63—125 A í 380 V kerfi reiknast frá varkassa stystu greiðfæru leið að lóðarmörkum. Þurfi að leggja jarðlínuheimtaug af ofangreindum stærðum út frá loftlínu, skal lengd heimtaugar reiknuð jöfn lengd jarðstrengs frá varkassa að loftlínustólpa. Þveri jarðlínuheimtaugin akbraut, skal breidd akbrautar ekki reiknuð með. — Lengd stærri jarðlínuheimtaugar, en að ofan greinir, reiknast frá varkassa að rofa í dreifistöð. Yfirlengd reiknast ekki af vegarlengd, sem er umfram 100 m frá varkassa. Yfirlengdin reiknast sem yfirlengd jarðlínu skv. töflu, þótt heimtaugin sé tekin frá loftlínu. Lengd loftlínuheimtaugar, 63—100 A í 220 og 380 V kerfi, reiknast frá næsta stólpa í notendalínu við götu stystu greiðfæru leið að varkassa. Þurfi að setja stólpa fyrir heimtaug nær húsi en 40 m, svo að hún nái löglegri hæð, skal greitt umframgjald kr. 28 000.00 fyrir stólpann.

Séu tvær eða fleiri heimtaugar sameiginlegar að hluta, er rafveitunni heimilt að jafna lengdargjöldum niður á umsækjendur heimtauga. Sé nauðsynlegt að setja upp dreifistöð vegna ákveðins notanda og hún að mestu leyti notuð í hans þágu, skal

notandanum skylt að leggja til lóð undir stöðina, rafveitunni að kostnaðarlausu og skal hann í öllu hlíta skilmálum rafveitunnar um stærð lóðarinnar og staðsetningu stöðvarinnar. Sé um óskipulagt svæði að ræða eða aðstæður óvenjulegar, er heimilt að krefjast sérstaks aukagjalds af húseiganda eða gera honum að greiða fyrir heimaugina skv. kostnaði, en gera honum viðvart um það fyrirfram.

Óski húseigandi eftir að flutningsgeta heimaugar verði aukin, eða ef breyta þarf loftlínuheimaug í jarðlínuheimaug, vegna breytinga á stofnlínu í götu skal húseigandi greiða fullt heimaugargjald fyrir hina nýju heimaug að frádregnu hálfu gjaldi fyrir heimaugar, hvort tveggja miðað við gildandi gjaldskrá, þegar breytingin fer fram. Húseigandi skal kosta breytingar á stofnaug innanhúss, sem þessu kann að vera samfara og taka á sig annan kostnað, er af þessu kann að stafa.

Gjaldskrá þessi gildir í skipulögðum hverfum innan lögsagnarumdæmis Hafnarfjarðar, Garðabæjar og Bessastaðahrepps.

III. OPNUNARGJÖLD

1. Hafi gjald skv. gjaldskrá þessari eigi verið greitt, svo að til lokunar fyrir veituna hafi komið, skal taka gjald fyrir enduroppun 3 000.00 kr.
2. Ef fundin eru við skoðun óleyfileg eða of stór vör, skal veitunni lokað tafarlaust og verður hún eigi opnuð aftur fyrr en notandi hefur greitt 3 000.00 kr. gjald á skrifstofu rafveitunnar. Sé opnað utan venjulegs vinnutíma, er þó heimilt að krefjast opnunargjalds samkv. kostnaði.

IV. ÝMIS ÁKVÆÐI

Rafveitunefnd er heimilt að breyta hitatöxtum til samræmingar við nágrannasveiturnar.

Hækki innkaupsverð á raforku, er rafveitunefnd heimilt að hækka gjaldskrá þessa allt að 48% af þeirri hækkun.

Fyrir full 5%, sem kaupgjald hjá Rafveitu Hafnarfjarðar hækkar eða lækkar, hvort heldur er sökum breytinga á grunnkaupi eða kaupgjaldsvísitölu eftir 1. nóvember 1977, er rafveitunefnd heimilt að hækka eða lækka gjaldskrá þessa um 4%. Breyting og hækkan gjaldskrár samkvæmt ofanrituðu er því aðeins gild, að til komi sérstakt samþykki Iðnaðarráðuneytisins.

Söluskattur 18%, 1% viðlagasjóðsgjald, 1% í sjóð til að draga úr áhrifum verðhækkana á olíu til íbúðarhitunar og 13% verðjöfnunargjald til að bæta fjárhag Rafmagnsveitna ríkisins, samtals 33%, eru talin með í upphæð gjalda þeirra, sem um ræðir í I. kafla gjaldskrár þessarar nema á töxtum D1, D3, D5 og D7.

Gjaldskrá þessi staðfestist hér með samkvæmt vatnalögum nr. 15 20. júní 1923, og orkulögum nr. 58 29. apríl 1967, til að taka gildi 16. ágúst 1978, og birtist til eftirbreytni öllum, sem hlut eiga að máli.

Jafnframt er úr gildi felld eldri gjaldskrá sama efnis, nr. 366 27. október 1977.

Iðnaðarráðuneytið, 9. ágúst 1978.

F. h. r.

Páll Flygenring.

Kristmundur Halldórsson.